



REPUBLIKA E SHQIPËRISË  
KËSHILLI I LARTË I PROKURORISË

VENDIM  
Nr. 18, datë 30.01.2025

PËR

***“CAKTIMIN E PËRKOHSHËM NË POZICIONIN E DREJTUESIT TË PROKURORISË  
PRANË GJYKATËS SË SHKALLËS SË PARË TË JURIDIKSIONIT TË  
PËRGJITHSHËM DURRES”***

Këshilli i Lartë i Prokurorisë (KLP), me pjesëmarrjen e:

1. Znj. Mirela BOGDANI	Kryetar
2. Z. Erind GERMENJI	Zv/Kryetar
3. Znj. Ledina RIZA	Anëtar
4. Znj. Arta MANDRO	Anëtar (në mungesë)
5. Z. Zeqir HODA	Anëtar
6. Z. Sokol STOJANI	Anëtar
7. Z. Moisi DUDA	Anëtar
8. Z. Vatë STAKA	Anëtar
9. Z. Olger EMINAJ	Anëtar
10. Z. Erind MERKURI	Anëtar
11. Z. Erion FEJZULLA	Anëtar

në mbledhjen e datës 30.01.2025, konform procedurës së përcaktuar në nenet 159-161, 164 dhe vijues të ligjit nr. 115/2016 “Për organet e qeverisjes së sistemit të drejtësisë” i ndryshuar, nenet 18 e vijues të Rregullores “Për organizimin dhe funksionimin e brendshëm të Këshillit të Lartë të prokurorisë”, shqyrtoi çështjen me objekt:

***“Caktimin e përkohshëm në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës”***

**BAZA LIGJORE:**

1. Neni 149/a të Kushtetutës së Republikës së Shqipërisë;



2. Neni 59 pika 1 dhe 4, të ligjit nr.96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar;
3. Nenet 164 pika 8, 166 pika 2, 189 pika 1, germa "a" të ligjit nr.115/2016 "Për organet e qeverisjes së sistemit të drejtësisë" i ndryshuar;
4. Rregullore "Për caktimin e përkohshëm të prokurorëve" e ndryshuar.

### KËSHILLI I LARTË I PROKURORISË:

Nga shqyrtimi i materialit shkresor të përbërë nga:

- i. Relacioni shoqërues nr. 84 prot., datë 14.01.2025, i Komisionit të Zhvillimit të Karrierës;
- ii. Projektvendimi i formatuar dhe arsyetuar;

si dhe referuar bazës ligjore të lartpërmendur, përfshirë diskutimet në mbledhje mbi çështjen,

### V Ë R E N:

1. Këshilli i Lartë i Prokurorisë, (në vijim Këshilli) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Me vendimin e KLP-së nr.172, datë 25.05.2021, drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Durrës, është emëruar nëpërmjet procedurës së ngritjes në detyrë, në pozicionin e prokurorit në Prokurorinë e Posaçme.
3. Me qëllim plotësimin e vakancës së krijuar, Këshilli me vendimin nr. 229 datë 29.10.2024, caktoi përkohësisht prokuroren Suela Beluli në pozicionin e drejtuesit të zyrës së prokurorisë Durrës, për periudhën nga data 02.11.2024 deri në datë 02.02.2025.
4. Këshilli i Lartë i Prokurorisë me vendimin nr.236, datë 13.11.2024, ka shpallur vendin vakant, për drejtues në Prokurorinë pranë Gjykatës së Shkallës së Parë të Juridiksionit të Përgjithshëm Durrës, referuar ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar dhe Rregullores "Mbi kriteret dhe procedurat e ngritjes në detyrë në pozicionin e drejtuesit në prokuroritë e juridiksionit të përgjithshëm".
5. Në përfundim të afatit kanë shprehur interesin dy prokurorë për të cilët procedura administrative parashikon verifikimin e plotësimin të kushteve dhe kriterëve ligjore.
6. Në këto kushte, Këshilli vlerëson të vijojë procedurën për plotësimin e kësaj vakance nëpërmjet caktimit të përkohshëm të një prokurori. Kjo procedurë, bazohet parashikimet e nenit 42 të ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, i cili në pikën 1, parashikon se:



*“Pozicioni i magjistratit mund të plotësohet përkohësisht, kur magjistrati me pozicion të përhershëm nuk është në gjendje të ushtrojë funksionin për një periudhë **jo më shumë se tre muaj**, për shkak të:*

- a. caktimit në pozicione të tjera;*
- b. arsyeve të tjera të parashikuara nga ligji;”*

- Ndërsa, neni 42 pika 2, i ligjit të sipërpërmendur përcakton se:

*“ 2... Pozicioni është përkohësisht i lirë kur magjistrati që ka atë pozicion në mënyrë të përhershme, **për të paktën 3 muaj**, është përkohësisht në pamundësi për të ushtruar funksionin në atë pozicion.”*

- Ndërkohë, neni 3 i Rregullores “Për caktimin e përkohshëm të prokurorëve” e ndryshuar, përcakton se:

*“1.Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër.*

*2.Këshilli i Lartë i Prokurorisë respekton për aq sa është e mundur vullnetin e prokurorëve gjatë caktimit të përkohshëm.”*

7. Në aplikim të sa më sipër, Këshilli me vendimin nr. 229, datë 29.10.2024, ka vendosur të caktojë përkohësisht zonjën Suela Beluli, të ushtrojë detyrën e drejtueses së Prokurorisë pranë Gjykatës së Shkallës së Parë të Juridiksionit të Përgjithshëm Durrës, për periudhën 02.11.2024 – 02.02.2025.

**Për sa më sipër Këshilli i Lartë i Prokurorisë, konstaton se:**

8. Pozicioni i drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës mbetet sërish vakant, Këshilli, për të garantuar qëndrueshmërinë dhe stabilitet për aq sa është e mundur në drejtimin e kësaj zyre, vlerëson të caktojë sërish në këtë detyrë prokuroren Suela Beluli. Prokurorja Suela Beluli ka mbi 9 (nëntë) vite vjetërsi si magjistrat dhe nuk ka masë disiplinore në fuqi. Gjatë kësaj periudhe, prokurorja Suela Beluli do të përfitojë pagën e drejtuesit.

#### **PËR KËTO ARSYE:**

Bazuar në nenin 149/a të Kushtetutës, nenin 59, pika 1 dhe 4 të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit Nr.115/2016 “Për organet e qeverisjes së sistemit të drejtësisë” i ndryshuar, Rregulloren “Për caktimin e përkohshëm të prokurorëve” e ndryshuar, si dhe relacionin shpjegues të përgatitur nga Komisioni për Zhvillimin e Karrierës, Këshilli i Lartë i Prokurorisë,

**V E N D O S I:**

1. Zonja Suela Beluli, prokurore në Prokurorinë pranë Gjykatës së Shkallës së Parë të Juridiksionit të Përgjithshëm Durrës, caktohet përkohësisht të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës.
  2. Zonja Suela Beluli do të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Durrës, për një periudhë tre mujore, duke filluar nga data 03.02.2025 deri më 02.05.2025.
  3. Të njoftohen për këtë vendim zonja Suela Beluli, Prokurori i Përgjithshëm dhe Prokuroria pranë Gjykatës së Shkallës së Parë të Juridiksionit të Përgjithshëm Durrës.
  4. Ky vendim hyn në fuqi menjëherë dhe publikohet ne faqen zyrtare web të Këshillit.
- U shpall në Tiranë, sot më 30.01.2025.



**KRYETAR**  
Mirela Bogdani

**ANËTAR**  
Sokol Stojani

**ANËTAR**  
Moisi Duda

**ANËTAR**  
Erind Merkuri

**ANËTAR**  
Zeqir Hoda

**ANËTAR**  
Vatë Staka

**ANËTAR**  
Erion Fejzulla

**ZV/KRYETAR**  
Erind Gërmenji

**ANËTAR**  
Ledina Riza

**ANËTAR**  
Olger Eminaj